



18. januar 2024

Siverth K. Heilmann

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

**Naalackersuisunut apeqquq:**

- 1. Saviminilerinermik Ilinniarfiup Sisimiunut nuunneqarnissaanut suliaq sumut killippa?**
- 2. Nuunneqarnissaanut misissuineq naammassineqarsimappat, qaqugu Inatsisartunut saqqummiunneqassava?**
- 3. Ilinniarfiup Sisimiunut nuunneqarnissaa suli Naalackersuisuniit aalajangiusimaneqarpaa?**

(Inatsisartuni ilaasortaq, Siverth K. Heilmann, Atassut)

**Tungavilersuut:**

2022-imi februarimi Naalackersuisut aalajangerput Saviminilerinermik Ilinniarfiup Sisimiunut nuunneqarnissaanut suliaq ingerlatiinnarneqassasoq, aammalu piumasaqaatinik pisariaqartitanillu sukumiisumik misissuinerit ingerlanneqassasut.

Aalajangernermit ukiut marluk ingerlareermata suliap killiffianik suli tusartinneqannginnatta killiffimmik paasiniaavunga, taamanikkummi neriorsuutigineqarnikummat susassaqtut Inatsisartullu suliamut peqataatinneqassasut.